

長樂縣志卷二十五

列傳五 文苑



文苑國粹也其為黃鐘之盛乎其為變徵之哀乎其浸沈莊騷而出入遷固乎其錯綜王薛而偏伍曹胡乎寧祕玩以為談助知考獻尤重徵文惟至使索其家輒歎人皆取去友輟其草重惜梓之不全或者其志乘之憾乎况吾長文風開於唐盛於宋恣肆於明清時上高詞賦遂甲他邑有由來矣傳文苑

唐

卓雲河南舖人乾甯中第二人及第歷官淮南節度作未明求衣賦駕在華州賦問善如扣鐘詩人傳誦之 乾隆賀志

長樂縣志

卷二十五

列傳五

一

文苑

宋

鄭洙字教生其先侯官人徙居長樂十三都柯林山下寶元元年擢三禮科仕至虞部郎中初洙赴舉陳襄送之詩稱詞藻駕曹王聲華歷元白蓋未仕時已重士林矣初郡未立學洙與試助教黃洵武為請於權州謝微於是始表立學閩人德而祀之學宮 乾隆賀志參道

光通志

林通元祐初文廟頽圯久莫能建通憂之乃作縣圖經營之得錢二十萬富民皆資助焉遂成廟學邑之有志昉於圖經通登鄉薦工

詩有詩集

乾隆賀志

林桷字子長淳熙初任姑孰教授為太守楊愿作姑孰志五卷

乾隆賀志



陳有聲字廣宗嘉定進士尉上高時歲豐訟簡吏民安之前此邑士罕知聲律有聲選詩賦百餘篇教以體裁上高詞賦遂甲他邑

乾隆

賀志

姚勉字汝勗一字瑞峰能舉七世孫

按能舉字用進桃坑人官至江西按撫使司參議朝請大夫

寶祐癸丑正奏第一人授翰林院編脩終朝請大夫勉性敏下筆

如流對策萬餘言悉稱上意著有雪波集行世

乾隆賀志

明

陳洵仁字思允江田人詩學精深洪武乙丑進士拜中書舍人擢給事中  
中立朝敢言文章政事望重一時

林慈字志仁嶼頭人力學稽古嫻於文詞嘗與陳登高棟王恭鄭定

長樂縣志

卷二十五

列傳五

二

文苑

輩往來唱和洪武中以明經薦任本縣訓導國子博士有詩集

乾隆

賀志

鄭定字孟宣祖閩縣人好擊劍工古篆行書為陳友定記室及敗浮

海入交廣閒久之還至長樂縣東洪武間徵授延平府學訓導歷

齊府紀善永樂初遷國子助教號浮邱生有澹齋集

乾隆賀志參道光通志

陳登字思孝仲進子

仲進傳見循績

為人諒直洪武中以儒生薦授羅田縣

丞調蘭溪浮梁善文詞尤工篆籀擅名海內凡周秦以來石刻殘

缺無可考者皆能辨之永樂中以薦召入翰林預脩國史授中書

舍人入直時待詔吳郡滕用亨負重名見其後進忽之屢衆辱登

登不較也一日辨難許氏說文登隨問條答如指諸掌用亨乃愧



服宣德間卒於官有石田吟稿乾隆賀志

陳全字果之江田人永樂丙戌進士第二人授翰林編脩預脩大典

四書五經性理大全書成擢侍講權翰林院事力疾奔母喪至南

京卒工詩五言專法韋柳著有蒙庵集祀鄉賢乾隆賀志參道光通志

高廷禮初名棟字彥楨自稱漫士龍門人先姓張以祖隆後高氏因

姓焉永樂初與王恭皆布衣召入翰林為待詔遷典籍卒事親孝

謹與人交無智愚新故益然如一博學能文尤長於詩書畫時稱

三絕嘗總唐人詩揚扇上下之自正始至旁流為十餘品然其宗

旨則歸於開元天寶之間為品彙九十卷拾遺十卷正聲二十卷

談者謂唐稱詩三百年風調正變大較如此又著有嘯臺集木天

長樂縣志 卷二十五 列傳五 三 文苑

清氣集玩字文原高氏自序其品彙畧曰有唐三百年詩衆體備

畧而此初唐之始製也神龍以還洎開元初此初唐之漸盛也開

之時此初唐之始製也神龍以還洎開元初此初唐之漸盛也開

元天寶此盛唐之盛者也大曆貞元此中唐之再盛也下暨元和

之際此晚唐之變也降而開成以後此晚唐之變態之極而遺風餘

韻猶有存者殆將數百校其體裁分體從類隨定其品目因自

與夫善鳴者殆將數百校其體裁分體從類隨定其品目因自

別其上下始終正變各立序端以弁其端爰自貞觀至天祐通約

六百二十人共詩五千七百六十九首分為九十卷總題曰唐詩

品彙又自序其唐詩正聲曰詩者聲之成文也情性之流出也

情感於物發言以為聲故感有邪正言有是非惟君子養其浩歎一

存其真宰平居抱道與時飛沈遇物悲喜觸處成真吝嗟咏歎一

出於自然之音可以被律呂而歌者得詩之正也又曰因編唐詩

品彙一集虛博而寡要雜而不純乃拔其尤彙為此編題曰正聲者取其聲律純完而得性情之正者也乾隆賀志

陳亮字景明沙堤人於學無所不窺自以故元儒士明興累詔不出

曰昔唐堯在上箕穎在下吾投迹明時遊戲泉石於志慊矣作陳



搏傳以見志結草屋滄洲中築小樓購書藏之名曰儲玉亮在永樂中年八十矣於十子中年最長與三山耆彥爲九老會終其身不仕詩冲淡有韋柳風著有滄洲集儲玉齋集其詩軼不盡傳

乾隆賀志參道光通志

王恭字安仲

通志作安中

沙堤人家貧隱居七巖山爲樵自號皆山樵者

永樂初廷禮以儒士薦起待詔翰林時年六十勅脩永樂大典偁戲之曰無乃以會稽章綬故來耶恭笑謝曰吾山斧柯幸自無恙君無深誚我爲矣居三年大典成試詩高第授翰林典籍未幾投牒歸解縉稱其布衣蕭然不慕榮寵強起決去若朝陽孤鳳云恭詩援筆纚纚千言立就意多悽婉託喻頗深有大歷遺響與同邑

長樂縣志

卷二十五

列傳五

四

文苑

鄭定高棟陳亮流寓周位黃位侯官黃衰唐泰福清林鴻永福王偁齊名閩中稱十才子

乾隆賀志參道光通志

高淮字泰仲二都龍門人永樂丁酉舉人通三禮諸生時代邑令作諭俗文爲時所稱以鄉舉入都姻舊多居要地淮自守不往謁居國學數歲以祖母百齡父母亦年高歸養不復出自稱竹所老人著書三十餘卷解大紳王皆山馬彥聲爲之序善畫山水古澹絕倫時共珍之

乾隆賀志

陳漢臣名留孫以字行號藍田子南田人明初辟南安教諭辭歸所著有榕溪集張以寧稱其不自畫於今之能言而志附於古痼士安鑿齒之疾而且屢空天將玉成漢臣而不朽之也

乾隆賀志參道光通志



李叔玉東隅人宣德乙丑進士官至惠州知州慷慨好義博學工詩

有梅菴集梅花百詠

乾隆賀志

謝汝泮字濱芹杰從子

杰傳見名臣

性廉潔曠達工詩歌行尤入妙著有

顧行愚言杰為之弁

乾隆賀志

林憲護字淑衍二十都松下人高才博學工書能文天啓乙丑會試

第三名成進士授中書科舍人欽命巡查閩浙粵三省軍政邊境

肅清

乾隆賀志

梁珪字至鉉一字雪園幼敏悟年十五補弟子員食廩餼文詞拔萃

雅有器識乙酉年逾冠領恩貢戊子後隱祖里繩世業體素弱

於口惟喜談忠孝節烈事久之北游齊魯燕趙酒酣耳熱恒慷慨

長樂縣志 卷二十五 列傳五

五

文苑

悲歌以寫其不平之氣遇人開心見誠無所隱諱與父春暉同為

知縣夏允彝所器重年未及中壽卒著有江田草楚游草江西游

草雪園詩

同治彭志

清

程應辰字伯樞一字蕉山十五都漳港人穎敏能文尤善詩歌嘗授

徒永福黃編脩家盡得其學順治戊戌進士補平南令深得民心

旋以老告歸囊橐蕭然著書甚富散失僅存有長樂形勝一篇

乾隆

賀志

吳道來字子紱十二都感恩人籍侯官順治庚子鄉薦第一丁未進

士授中書文學德行並優著有鄴城百詠卒於官子士宸字翰光



學術浩博殊有父風乾隆賀志

王穎如字哲開兄膺祺傳見循績穎如性穎異而度宏遠年十三隨董應舉游鎮海樓傲王勃作滕王閣序頃刻數千言語極壯麗與兄相友愛著有日記天籟集三十卷及孝經頌贊三樓紀勝諸篇

按穎如實梅花所人府志誤入閩縣乾隆賀志

陳騶字伯騶江田人順治閒歲貢生性聰穎過目成誦幼卽工詩與閩縣黃晉良許友相善尤見賞於侍郎周亮工中年縱游燕齊吳越著作益富與嘉興曹溶長洲尤侗稱莫逆交爲人孝友晚偕兄澣隱溪湄所著有雪鴻堂詩文集十卷其最傳者有南雅堂紀事詩金陵懷古諸篇澣字伯熊亦有詩名大司馬龔芝麓稱其淵雅

長樂縣志 卷二十五 列傳五

六

文苑

簡潔有仁孝之風時人共推重之恒以二伯比二方云乾隆賀志

歐陽士超字允特邑諸生十六都人學行醇粹調遷往復惟以經史

自隨尤精易學著有周易本義刪補便讀三卷乾隆賀志

陳漢章字可雲一字天子十四都人性好學十七補諸生邑名士多出其門既耄口授手披無間寒暑著作甚富有天游居文集行世

三調遷賦尤有風雅之遺乾隆賀志

朱靜字子定十五都漳港人康熙癸未歲貢端方古樸不妄發一言遇三尺童子亦謙遜授徒講學卽盛暑必衣冠危坐游其門者率礪廉隅卒年八十餘著述甚富藏於家乾隆賀志

陳範字朝箕一字鑄巖江田人遷會城少穎異學有淵源文脫稿紙



貴一時游其門者多獲雋康熙辛卯領鄉薦公車屢蹶與孫勳吳士玉稱莫逆交著有四書講章二聞堂集行世選建陽教諭未之

官卒

乾隆賀志

陳崧字書昂康熙丁酉副貢性孝友好施與口不言人過博雅工文爲經師數十年負笈者屢滿戶外生徒取科第如摘髭而崧獨困塲屋需次泰甯教諭檄甫至卒年七十九

乾隆賀志

陳子欽字克器一字鐵雲江田人先世自江山令仲進中書登以下代有傳集父崧生郡諸生丁鼎革之秋不求聞達家積書萬卷惟閉戶課子子欽承庭訓徧讀家所藏書才思渙發長益肆力於詩文爲江左紀映鐘洛中周亮工所贊賞以貢入都應廷試大學士

長樂縣志

卷二十五

列傳五

七

文苑

明珠聘爲教習辭不就珠單騎枉顧贈狐裘百金卻弗受卽拂衣歸一時都人士咸高其節所作文與古樂府皆不傳惟鐵雲集八卷其子玉鼎梓以行世大抵多故宮禾黍之感寒如郊瘦如島而風致飄然實得力於晉之五柳翁者

同治彭志

吳第字序充一字純齋雍正癸卯歲貢孝友勤學至老不輟誘掖後進皆名重一時著有綱目俟論綱目地輿便覺五經俟論

乾隆賀志

黃典字振儀一字鳳村犀村人有夙慧過目成誦擅神童譽弱冠日可成文二十篇皆中選爲人磊落不脩邊幅氣量過人雍正癸卯舉於鄉甲辰成進士令山東冠縣廉聲大著邑界大名回子營民向受回害典立法勸諭遂相安旋因病告歸總督田文鏡憐其才



強留半年後知其支床不起始令行甫至閩界卒囊橐蕭然乾隆賀志

吳九叙字瞻侯父士宏見節概傳九叙雍正癸卯副榜甲辰舉人孝

友天植兄弟自相師友足跡所至名流皆倒屣尤工詩古文辭書

法亦妙一時公車八上數奇不遇以疾卒京邸士論惜焉乾隆賀志

謝紹鼎字公大號怡園父兆麟見循績傳紹鼎孝友嗜學試輒冠軍

督學沈涵知縣衛良佐咸器重之雍正丁未歲貢授崇安訓導署

教諭課士精勤倡脩學宮著有四書辨訛春草堂詩劇卒年八十

四子人騏邑庠生克繼父風母老病親侍湯藥衣不解帶者累年

父卒署中躬為扶襯歸里時述父訓課其子孫乾隆賀志

吳化字子才一字希軒二十四都人性孝友好讀書從游甚眾就正

者日不絕人安貧樂道為當事所器重雍正己酉舉於鄉著有希

軒文集行世乾隆賀志

王思猷字宗英一字莫瀾東隅人篤學能文汲引後進知名士多出

其門生平砥節礪行以優舉士林重焉屢薦數奇乾隆壬申始舉

於鄉兩上公車齋志以歿人皆惜之著有漱玉集四卷乾隆賀志

陳永書字茂亮一字寅軒表賢村人乾隆戊午副貢天姿敏悟過目

成誦幼從王思猷游思猷語人曰陳子異日所造不可量也為文

高視闊步與黃典林瓊蕤相友善游學會城時稱吳航三才子邑

侯賀世駿慕其學聘脩邑乘家藏書甚富而搜羅鈔錄殆無虛日

著有事類數目攷二十卷詩書條貫三卷行世門人盧燧鄭兆焯



等爲之傳子道極乾隆乙酉科副貢著有葩經要解六卷藏於家  
善墨畫尤工白菜牡丹人爭寶之

同治  
彭志

林振采字九苞一字儀九乾隆癸未會魁父瓊

瓊魁傳  
見循績

宦歸無長

物惟積書十數萬卷振采與兄振品盡讀家所藏書淹通貫串探  
其源流窮其奧蘊下筆沛然如決江河一時名宿如鄭天錦張甄  
陶皆折節與交邑令賀世駿聘脩縣志身後所有著述散佚無存  
嗜古者慕其學博才高而慨其後不傳也胞姪觀曾字述謙一字  
省吾性豪飲書學懷素得其神妙年七十八以諸生老後亦無傳

同治  
彭志

謝瑾字聘脩一字懷溪紹鼎孫乾隆庚辰舉於鄉歷任建甯漳浦彰

長樂縣志

卷二十五

列傳五

九

文苑

化浦城臺灣教諭崇尚樸學啓迪有方擢雲南元謀知縣戢健訟  
清積案教條懇摯有儒吏風公餘之暇嘗手鈔二十一史訂疑補  
漏不遺餘力惜身後散佚不全今稿存者尙有偶見集三十六卷  
懷溪詩話八本分天地人物四門逐事纂輯皆淵雅可傳

同治  
彭志

陳奇銑字茂鐘一字曉幢父逢泰雍正乙卯副貢歷任廣東新安大

鵬湖南衡陽長沙縣丞分脩邑志奇銑才高學飽器識不羣乾隆  
戊子舉於鄉受知劉諸城相國目爲第一人七上公車五薦不售  
以家貧親老選山東富國場鹽大使閒曹偃蹇常鬱鬱不得志遂  
解官歸作落花詩百首以自况居林下十餘年足不出戶庭唯怡  
情詩字字學二王詩近七子著有鑄硯齋詩集二卷寄託深婉知



非牢盆俗吏所能淹也

同治彭志

陳萬春字孟璜一字新園青橋人邑諸生屢試優等家貧舌耕自給一時知名士如林調陽林芝芳黃金鑑黃日華輩皆出其門其他蜚聲文苑者不一而足生平湛深經術年八十餘猶手不釋卷晚歲家居率以排難解紛爲事接人推心置腹尤敦孝友鄉里稱善人卒年八十四著有詩經編義八卷子澍霖澍雲傳別見

同治彭志

陳汝楫字廷交一字若川古槐人乾隆戊子副貢性端方治家嚴肅與父兄言終日侍側目不流視後輩見之肅然起敬無敢以非禮犯者喜讀書聚書六千卷硃墨殆遍尤工書法鄭進士嘉於同學中獨刮目相待著有學庸邇言二卷

同治彭志

長樂縣志

卷二十五

列傳五

十

文苑

李學蓮字永魁一字星杠七星橋人乾隆丁酉舉於鄉教授里門講明實學以古道勗人知縣楊清瀚聘主吳航講席學規嚴肅肄業者必令其各習一經逐日呈課清晨則端坐講堂與諸生談經史敦品行雖祁寒盛暑不少輟一時執經者屢滿戶外焚膏繼晷達旦書聲論者謂自有書院以來名師相望求其啓迪不倦實首推學蓮云

同治彭志

王元麟字伯瑞一字芝田乾隆丁酉拔貢性嗜古熟左氏傳督學吉夢熊賞其文有經籍光平生容儀豐偉健嗽逾恒喜誦永福黃任詩爲之撰注廣證旁搜屢易稿數十年始成書一生精力畢粹於此今所行秋江集註是也晚選松溪教諭未幾致仕歸卒年九十



子亨檉嘉慶戊寅舉人

同治彭志

陳玉華字昌泰一字榕村父錫璋傳見義行玉華少穎悟善屬文弱冠補弟子員肄業鼇峰與陳烺林志仁輩作文字交名噪遠邇乾隆戊申舉於鄉需次浙江署紹興同知僅四十日以憂歸生平講學會城執經者常七八十人因材造就皆成英雋論者謂玉華雖無著述而其教澤及人游其門者或以經術稱或以文章顯實爲

一時老名宿云

同治彭志

林宗洙字明浚一字魯水父芳乾隆己酉舉人司訓松溪勤於課士宗洙年十二通十三經陳學使嗣龍拔冠多士尋三試科歲皆第一肄業鼇峰爲主講鄭光策游光繹所器重與林文忠廖文恪均

長樂縣志

卷二十五

列傳五

十一

文苑

以年少負文名制府汪志伊奇之公餘輒令入署課所業賞書籍法帖及先儒理學書性恬退不慕榮利嘉慶丁卯年甫冠舉於鄉晚截取知縣不赴選惟肆力於各經註疏辨析淹貫旁及史漢文選諸大家文集陳壽祺太史以經學名天下嘗心折焉延課其諸子惜生平不喜著述韞所心得者抱璞以終弟宗澤道光乙酉舉人亦積學不仕如其兄

同治彭志

梁運昌初名雷字慎中一字曼叔嘉慶己未進士改庶吉士散館授編脩性崖岸睥睨一世視富貴人尤嫉之自在史館及家居數十年寥寥寡合人亦聞而避之不樂與之交生平學博識超著作甚富有秋竹齋詩文集陳氏古音考訂讀詩考韻新譜四書偶識史



漢眉評說文小箋難經發明兩漢魏晉宋齊詩式全唐詩隨筆唐人風格集杜園說杜韓詩細蘇詩鈔等集

同治彭志

梁章鉅字閔中一字茆林晚自號退庵祖居江田嘉慶壬戌進士改庶吉士散館以主事用考充軍機章京京察一等授湖北荊州府累官至江蘇巡撫敷歷中外垂四十年文章經濟昭著一時公餘之暇網羅文獻手自撰述東南名下士如鈕布衣樹玉郭明經麀董明經士錫朱孝廉綬姜文學臬楊明經文蓀皆在館下又師大興翁閣學方綱儀徵阮相國元辨論攷證貫串周析著有論語集註旁證二十卷孟子集註旁證十四卷夏小正經傳通釋四卷倉頡篇校證三卷經塵八卷古格言十二卷三國志旁證三十卷文

長樂縣志

卷二十五

列傳五

十二

文苑

選旁證四十六卷清臣工言行記十二卷樞垣記畧十六卷退庵隨筆八卷退庵題跋二十卷續跋二卷退庵文存二十四卷籐花吟館詩鈔十二卷退庵詩存二十四卷續存八卷東南嶠外詩文鈔三十卷閩詩鈔五十卷閩川文選五十卷三管英靈集五十八卷此犖犖之大者他如制義叢話楹聯叢話及諸脞說詩話之屬尚多不悉著子逢辰字聿磐一字吉甫道光辛丑進士書法神似顏柳而隸書尤勝名重一時

同治彭志

陳玉銘字希贊一字潼溪石門人嘉慶甲子年逾冠以縣試第一補諸生膺鄉薦乙丑連捷進士授翰林院編脩歷官國子監司業司經局洗馬癸酉辛巳典試湖北山西丙子鄉試分校北闈得陳殿



撰沆劉宗丞誼李太史之瑄劉制府源灝皆知名壬午考差爲同官株累罷歸今所存者惟慎餘堂文賦一卷試帖百餘首皆乙丑後館閣作也

同治彭志

柯龍章字宗起一字儀周柯百戶人遷會城嘉慶丁卯優貢戊辰舉人歷任汀州府訓導永定學教諭掌教龍山海東崇文各書院生平工制舉業湛深經術於禮經尤多所發明著儀禮箋註三十卷未梓有儀周文稿行於世

同治彭志

黃一桂字國雍一字薌林郡廩生父觀營傳見義行一桂少承家學不屑屑章句長從同邑陳玉華孝廉游益潛心經學陳語人曰及門中講求實學者黃子其最也家藏書籍朱墨殆徧晚年取先文

長樂縣志

卷二十五

列傳五

十三

文苑

肅公志堅思苦之義名所居曰思苦自爲之記大旨謂天下之理惟思能通吾人之心惟苦能入故思者聖功之本苦者通微之幾其刻勵如此尤喜左傳嘗探舊說傳以心得輯爲一書名讀左廣義蓋丹陽姜上均先有讀左補義茲復從而推廣之也議論創闢皆足發前人所未及思苦之學於此可見次子鶴三字景樹一字聲亭道光庚子亞魁讀父書有文名署江西安義縣知縣以勞勩卒於官四子見三傳別見

同治彭志

王溱字利杰一字成旗嘉慶癸酉拔貢己卯舉人大挑知縣改補福鼎訓導少工詩精楷法謝徵君曦奇賞之妻以女孫及司訓於福鼎喜獎才雋遇士困乏輒周卹之而自忘其貧著有韻學指南足



兩宦詩鈔福鼎方言左賦行於世其未梓者四書筆記詩釋人說  
文音聲譜文選音韻經典釋文校證年六十四卒子錫桐傳別見

同治  
彭志

王登三字道起一字槐卿感恩人性聰穎少時卽能下筆作驚人語  
弱冠游會城文名籍甚汪志伊制府評其文曰峰鋒風日爲八閩  
才子年五十餘始領道光乙未鄉薦素善講貫常卽眼前事推出  
絕大道理凡秦漢八大家之文均能溯其源流探其旨要游其門  
者如鄧慶恩方伯周瑞圖郡守其最著也尋挑取河工任直隸無  
極知縣留心民瘼有政聲以勞動卒於官生平著述散佚無存

同治  
彭志

長樂縣志

卷二十五

列傳五

十四

文苑

馮承基以字行一字弼甫鼎高曾孫

鼎高傳  
見循績

道光庚戌進士卽用浙

江甫抵省丁內艱歸數月以毀卒初承基三歲生父與嗣父相繼  
歿門祚衰微兩節母及祖母曾祖母愛如掌上珠年十六七始知  
學匝歲卽能通七經不二年盡讀家所藏書下筆沛然累千言不  
踰先輩繩尺道光己亥年踰冠舉於鄉自是奔走公車常留京邸  
與同鄉何冠英林廷禧林壽圖爲文字交惜豪放縱飲而天亦不  
與以年俾折節以底大有成也其師陳宗英爲編遺集有駢體四  
卷古今詩六卷藏於家

同治  
彭志

陳元炎九都環山村人邑諸生篤志專精邃於經學著有學庸義疏

若干卷藏於家



陳趨字偶峰父行登沙京人以讓產故徙居會垣趨生而岐嶷性寬洪篤厚慕韓樂吾之爲人家徒四壁而能以好施聞閩縣陳左海聘主家塾旦夕講經輒與左海上下古今縱橫得失左海每爲之動容而折服之謂爲學者之泰斗其所居距左海館將十里時年且六十早出夜歸徒步袖甘旨以奉母如是者以爲常同郡陳若霖趨故人也督河南四川時輒以書招其入幕趨以母老辭著有繩武堂詩文集八卷外集數種其梓以行世者姚金集句二百五十餘篇子鶚聯孫壽喆壽臧自有傳

陳鶚聯字詔夫生有奇稟事父母以至孝聞父趨授徒館於外母林課之讀年四歲卒業爾雅全書羣經訓詁之字琅琅然口講而指

畫之母有弗適則朗誦所授書其母輒爲之解顏卽盛怒臥床亦蹶然起會嘉慶初年冬母以疫暴卒鶚聯幼弗省方展卷吟哦意以此承歡如平日事戚友臨者咸爲之動容益悲戚其孝根諸天性足以感人如此年十五入邑庠辛亥舉於鄉清沿明代舊制以制藝取士鶚聯以古文爲時文頃刻千言一氣呵成神似戰國策卜居會城之北時彥均尊以北門段法方是時同郡林鑑塘先生主鼇峰講席深喜鶚聯爲文每課輒與陳藹人翮鳳陳沅甫瑞鳳占列優等三人皆籍長樂稱爲長樂三大鳥以名字偏旁從鳥故得此稱此節軼事見謝枚如先生文集然鶚聯自謂制舉之文不足以問世又與陳比部承裘王制府慶雲魏孝廉秀仁訂文字交舉春官不第則遨游燕晉秦



隴閒入幕佐治下帷講經所作詩古文詞多豪放自喜而自視欲然卽其家乘間亦未能多得其贖藁云

陳翹鳳字肇海一字靄人歲貢生有文行授徒省垣從游者多所成就吏部方鏞幼爲工肆藝徒翹鳳稔其穎異資之膏伙俾受業焉卒底於成居恒手不釋卷與同郡范希溥鄭植何翼爲同邑陳鶚聯陳瑞卣日以文字相切劘時稱爲長樂三大鳥道光己亥咸豐壬子兩科已擬中矣均以謄錄一字之誤被放以子翔墀貴誥封奉政大夫

陳應駒字介吾岱峰人性敏悟博涉羣書作文如天馬行空不受羈勒年二十七補弟子員屢躋場屋咸豐乙卯以第六人舉於鄉然

無意仕進授徒里中而成就者甚衆陳紹棠陳萼芬盧聿炳等皆出其門晚年以著書自娛如亦足軒雜錄二卷游磁九夢續夢又夢三集尤膾炙人口蓋皆懷才不遇有託而言也子亦瞻字幼吾品端學邃同治丁卯鄉試第三人著有養正堂文集孫瑞唐字鑄農年二十八入邑庠宣統紀元舉孝廉方正篤實誠樸誨人不倦門下多知名士亦著有養正書塾四書義二卷

柯祖培字我庵岱西人父壽亨道光甲辰舉人歷任南平沙縣尤溪歸化莆田教諭祖培夙承庭訓聰穎篤學弱冠補弟子員同治庚午領鄉薦先後肄業鼇峯正誼各書院屢試輒弁其曹主講林士傅林鴻年皆器重之同治甲戌成進士知江西永新縣有政聲光



緒丙子己卯壬午充同考官得人最盛未幾以勞勩卒

陳壽喆號翥如性恬靜淡仕進早年與弟壽臧同補博士弟子員困於鄉闈十試十薦光緒己卯始舉於鄉然視之蔑如也學邃於經謂讀書必先識字因窮研爾疋旁及許氏學以爾疋與說文相表裏取其說而貫通之往往得羣經之奧窔時鄭世恭主致用講席每試輒激賞不已謂可補郭注所不及曾著有爾疋補郭書未成以乙酉冬棄世少孤家徒壁立授徒自給督課汲汲以故及門多知名士爲世所稱頌焉

陳壽臧榜名世英字訥如三歲卽工屬對有神童之目韶齡游泮同郡沈文肅奇其才妻以兄之子尋招佐馬江船政幕凡有章奏必

與之商船政人員月例給假六日壽臧少孤事母謹屆期旋省承歡膝下不離左右朋輩束招游讌輒辭不赴里閭以是稱其孝工制藝爲生徒刪削課文頃刻閒輒一二百篇爬羅剔抉刮垢磨光請業者莫不饜其所欲以去癸酉領鄉薦時制軍王凱泰試諸生以自強論壽臧揮灑萬餘言凱泰謂爲經生吐屬拔冠其曹禮待備至其明年試春官報罷文肅適督兩江馳書招之時江南學使林天齡亦同縣人以故制府及學署凡有宏文鉅製多屬壽臧壽臧亦任之弗辭甫脫稿卽爲都人士傳誦以熟卽如通州直隸州志序松江阮氏義莊記迄今猶膾炙人口云年三十二卒所著文集六卷同縣謝章鋌爲之序畧曰訥如文字踔厲風發議論每予所不逮其於學未得則力求已得不



復失駸駸乎駕千驥  
一朝而可以千里云

鄭叔忱字辰丹首占人祖廷珪傳見循績父虞附貢生浙江候補知縣叔忱第光緒庚寅進士由庶常洊歷侍講朝廷以叔忱經術湛深正音明晰擢奉天府丞兼提督學政叔忱以正本清源道在責已於是益勵風操而絕苞苴各屬凜其嚴正請謁無一及者衡文必視其根柢而甲乙之不假手於人而揭曉甚速延見諸生獎勵裁抑先實行後文藝歲試甫竣丁內艱服闋入都尋病卒叔忱少孤事母孝雍睦兄弟人無間言自奉甚薄俸祿所入悉以賑戚族之貧者身後蕭然圖書外無長物

劉成傑字仲梁二劉村人祖樹桂傳見循績父景祺邑庠生成傑天

長樂縣志

卷二十五

列傳五

十八

文苑

資穎異甫六歲能日誦千言年十六以縣試第一籍學旋食餼乙酉拔貢授戶部七品小京官戊子己丑聯捷進士選翰林院庶吉士散館授編脩生平端謹仁孝不涉外務通籍後益自砥礪其兄成俊屢躋鄉闈傑自京移書與之曰讀書當實踐但求無愧於心科名得失不足爲榮辱也及假歸制軍卞寶第重其品學延見禮待周至欸語移時詢近况者屢而成傑未嘗以私干主福寧府溫麻藝塾講席從遊者衆年四十一卒所著詩文散佚不成帙士論惜之